

Forfatter: Blicher, Steen Steensen

Titel: Udrag fra E Bindstouw (DK) (paralleltekst med Rigsmålgengivelse)

Citation: Blicher, Steen Steensen: "Noveller", i Blicher, Steen Steensen: *Noveller*, udg. af Esther Kielberg ; Henrik Ljungberg , Det Danske Sprog- og Litteraturselskab, Borgen, 1991, s. 278. Onlineudgave fra Arkiv for Dansk Litteratur: <https://tekster.kb.dk/catalog/adl-texts-blic03val-shoot-idm140515387033712/facsimile.pdf> (tilgået 25. april 2024)

Anvendt udgave: Noveller

Bruddeviels, men e Brud aa e Brudgom haalt hvar i sihn Enn aa et Strykke Lat – de klepped e Præst møt øwr. Sihn kam di bahren ind mæ e Brudgom, aa han wa slawn faadæred, huén han saa wa kommen aastej, aa saa tow e Dejn en grummige stuer Fiol, aa ga sæ te aa spell aa søng faar e Brud saaleng, te hun fil i Søwn. Wo Kaakkeping ga sæ te aa græhd aa saah, te hun wa dø, men de haad wal ett aa betyh, faar A ved da, te Jen ka ett søng Jen ihjel, aa A trowr aasse te A so hin et Pa Daw ætter o e Gaahd, aa da skadd hun ingen Ting. De war ejs den særest Hæntiering, te A haa sit i nown Kjerke.

No et mier de hæhr Gaang, ant end om I vil skekk mæ en Wost aa et Pa Faasloer, aa saa et bette Fjarril Smør, faa hæhr foer vi et ant Smør end Fjet, faa hæhr ær et ant end Bæster i e Bøj, allywl den Gaahd, A bowr i, hedder Studenstræhd. Faawal!»

---

Dæhrætter row Rasmus Owstrup fæt, aa faataall den hæ Histaarri:

»Som A no sku faatell Jer: De war i Kriens Ti, da di hæ Engelsmænd haad gjo de hæ grummige Spirakkel i Kjøvvenhawn, saa maat A da hejer ett blyw irow, faa Legsmannen kam aa drøw mæ ud o Sessionen, aa dæh bløw A tawn te di Haassens Hæjstfolk, aa A lahr baadde aa nih aa hog Folk ihjel; men A fik sjæl ingen Hog, faar A ska sej wos: di slaær kun i Frejtier, faa nar der æ Kri, saa æ di baanng te vi ska gjo de Slemu veddem. I Frejjen saa raær di faa wos, men i Krien saa raær vi faa dem – si de ær en Faaskjæl. – A had en gue Madpuer mæ mæ ud te Skuelen, aa mie fik A sennen hjemmenfræ, aa de gjør ingen Uhn ve ham, dæ sku læhr mæ, aa A kam te aa sto bøwt baade faa ham aa for Aalfisireren.

Saa sejer Unneraaffisiren te mæ en Daw, A had gin ham en Pølls aa en Pa' Woster – faa han wa gywt, skal A sej wos – »Høe,« seje han, »kinne Do Messingjens?« – »De war ett godt annet« søh A, »de æ den bejst ve hiele Reggimintet.« – »No« søh han igjen, »Wætrup, dæ rier ham, æ bløwn syg, aa han døe wal aasse.« – »Ja de ka got væhr« søh A. – »Ve Do ha hæne søh han, »saa skal A si aa skaf Dæ ham, men saa ska Do aasse tænnk po mi Kuen!« – »A ska betænnk hins suet A, »mæ et Faasloer aa et bettekon Flæsk, hwiissommensti te A maa fo Messing-